



Iznuđivali novac od stranaca

Službenici: Dvojica uhapšenih službenika Službe za poslove sa strancima, između ostalog, osumnjičena da su iznuđivala novac od stranih državljana, najviše Italijana, koji su kršili imigracione propise BiH

Nihada HASIC

MOSTAR, SARAJEVO - Pet osoba, među kojima su dvojica visokorangiranih službenika Službe za poslove sa strancima BiH, uhapšeno je juče u Hercegovini zbog organizovanog kriminala, odnosno zloupotrebe položaja, primanja mita i iznude novca.

"Provodeći istragu u predmetu kodnog naziva 'Pelegri-no', otkrivena je organizovana kriminalna grupa u kojoj je više osoba višilo zloupotrebe službenog položaja i iznude koje su u vezi s boravkom i radnim statusom stranih državljana u BiH", saopšteno je iz Tužilaštva BiH po čijem nalogu su pripadnici Državne agencije za istrage i zaštitu (SIPA) proveli akciju hapšenja petoro osumnjičenih.

Uhapšeni su Boris Kordić, šef Terenskog centra Službe za poslove sa strancima u Mostaru, inspektor za strance u Mostaru Josip Kvesić, Vlatka Puljić, Ana Milićević i italijanski državljanin Luca Cobre.

Dvojica uhapšenih službenika Službe za poslove sa strancima, između ostalog, osumnjičena su da su iznuđivala novac od stranih državljana, najviše Italijana, koji su kršili imigracione propise BiH.

Kordić i Kvesić su osumnjičeni da su novac iznuđivali i od stranaca koji su imali zakonski osnov za boravak ili rad u Hercegovini, uglavnom na području Medugorja, tako što su im komplikovali proceduru odobravanja boravka u našoj zemlji kako bi od njih nezakonito uzeli novac.

"Takode, Boris Kordić i Josip Kvesić su sa Anom Milićević i Vlatkom Puljić osnovali firmu, odnosno u Medugorju su hotel, višemilionske vrijednosti, iznajmili na period od 20 godina i primoravali turističke agencije da u taj objekat smještaju strane turiste", kazao je sagovornik "Nezavisnih" blizak istrazi, naglasivši da je ovaj iznajmljeni hotel uvijek bio pun gostiju.

Uhapšenoj petorki istražni organi stavljaju na teret da su iznuđom novca od stranih državljana "stekli nezakonitu imovinsku korist u velikim iznosima".

Provodeći akciju "Pelegri-no" pripadnici SIPA juče su izvršili i pretrese na devet lokacija na području Mostara, Čitluka, Medugorja i Širokog Brijega.

"Pretres je izvršen i u službenim prostorijama Terenskog centra Službe za poslove



Zbog organizovanog kriminala u Hercegovini uhapšeno pet osoba



Novac iznuđivali i od stranaca, koji su imali zakonski osnov za boravak ili rad u Hercegovini, uglavnom u Medugorju

Page: 2

Reach: 0

Country: BOSNIA AND HERZEGOVINA

Size: 486 cm2

2 / 2



U akciji "Pelegrino"
uhapšeno pet osoba
FOTO KLIX.BA

**MEĐU
UHAPŠENIMA
I JEDAN
ITALIJAN**

sa strancima u Mostaru, u cilju pronalaženja predmeta koji mogu poslužiti kao dokaz u daljem postupku", rekla je Kristina Jozić, glasnogovornica

**HOTEL
Primoravali
turističke agencije
da u njihov hotel
smještaju
strane turiste**

Unutrašnja kontrola

● Iz Službe za poslove sa strancima BiH saopštili su da je jučerašnja akcija SIPA u Hercegovini rezultat inicijative i višemjesečnih aktivnosti njihovog Inspektorata unutrašnje kontrole.

Naglasili su da je njihov Ured za unutrašnju kontrolu Službe za poslove sa strancima prije pet mjeseci došao do saznanja o nezakonitim radnjama, odnosno koruptivnim oblicima kriminala, o čemu je odmah obaviještena SIPA i Tužilaštvo BiH.

"U narednom periodu rukovodstvo Službe će u skladu sa daljnim odlukama Tužilaštva, odnosno Suda BiH, odlučiti koje mjere će biti poduzete, prema ovoj dvojici uhapšenih visokopozicioniranih službenika Službe", saopšteno je iz Službe za poslove sa strancima BiH.

SIPA, naglasivši da je jučerašnja akcija provedena uz asistiranje pripadnika Službe za poslove sa strancima BiH te MUP-ova Hercegovačko-neretvanskog i Zapadnohercegovačkog kantona.

"Slobode su lišene osobe inicijala: B.K., J.K., V.P., A.M. i strani državljanin L.C. zbog postojanja osnova sumnje da su počinile krivično djelo organizirani kriminal u vezi sa krivičnim djelima zloupotreba položaja ili ovlaštenja, primanje dara ili drugih oblika koruptivnosti i u vezi s krivičnim djelom iznude", saopštili su iz SIPA.

Nakon kriminalističke obrade u SIPA, uhapšeni će uz izvještaj o počinjenom krivičnom djelu biti predati Tužilaštvu BiH.

"Postupajući tužilac će u zakonskom roku ispitati osumnjičene i nakon toga će odlučiti hoće li prema Sudu BiH uputiti zahtjev za određivanje mjere pritvora", napomenuli su u Tužilaštvu BiH.